

T5665/4642(12)

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

Harvard College Library Imaging Services <http://imaging.harvard.edu>

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

DEC 9 1953

宜春令

佳遇

梁伯龍

貂裘染洛下塵、歎浮名、樓遲此身。秣陵秋盡，雲衢有路，鴻無引柰江頭。一夜西風，都吹上半生愁。鬢堪憐、韶華荏苒，百年一瞬。

哈佛大學漢和圖書館珍藏印

太師引

算前程畢竟全無准、羨鵬搏何年化、鷗怎消得重門。清晝况值着孤館、黃昏、生平意氣、休相晒、聊寄跡、錦營花陣。平康路、車蹄馬輪、從今後、向陽臺、覓暮雨。朝雲、瑣窓寒。

通青樓尋訪殷勤、邂逅當年第一人。見丰儀俊雅、性
格溫純、趨承濟楚、衣衫瀟灑、淡梳妝、不施脂粉、可憎
青團半掩、啓朱唇、頓然一座生春。

三段子

問伊近庚是楊家、初年長成、問伊小名、是楊妃當年
後身、疑是霓裳隊中、金蓮襯沉香亭畔、春醒醒、寂莫
闌干、梨花丰韻。

東甌令

烟霞相不同、羣好惡相傾、越與秦、誰知窈窕還相識、
議論多奇俊、嘆悠悠、世路總浮萍、青眼更何人。

三換頭

衷腸未明、欲言難盡、姻緣到也、喜堯的便親、書生何
幸、這其間、只索把那飄蓬此身來儘、一霎成秦晉、春
生白練裙、意外良緣、怎負一夜夫妻、百夜恩。

劉潑帽

繡床根底、將鞋兒褪、却因忙未掩、樓門深深、叩謝周
公瑾、莫浪聞這恩德、應難盡。

大勝樂

問娘行這段姻親，却緣何心便肯多應宿世緣。和分因此上一時渾，分明是雙雙映蝶迷花徑，兩兩鴛鴦護水紋。情真意懇，非干是偷寒送暖，棄舊憐新。

解三醒

休忘了焚香寶鼎，休忘了待月踈櫺，休忘了生辰八字親相訊。休忘了對剪烏雲，休忘了候門畫索，潛投奔休忘了別館宵分，挹淚痕伊休溷。須不是他家行徑，似假疑真。

節節高

恩情難具陳，未經旬別離兩字當心撐。歸何迅，杯易傾，情難盡。春明門外程途亘，疎林處處斜陽映，只恐分離在須臾，片時人遠天涯近。

三學士

都城南出霜風緊，黯然欲別銷魂君。如想妾還愁妾，妾若忘君是負君。君歲月蕭條難過遣，書和信莫厭頻。

大迓鼓

離亭酒一尊，青衫濕處盡是啼痕。蕭蕭匹馬投荒徑，嘹嘹征雁度孤邨。雜踏長途，淒涼暮雲。

撲燈蛾

時開一紙書，每玩雙針印。追想那多嬌，不覺眉留目。
亂也看腰圍瘦沈，願年年芳草滯。王孫鏡臺前逗遛。
京尹眉重暈，紗牕着意再溫存。

尾聲

春風又入淮南郡，看行行一騎到金陵。肯負青樓薄
倖名。

普天樂

怨別

陳天聲

四時歡千金笑，從別後我也多顛倒。俺這裡玉減香
消，他那裡珠圍翠繞。婚姻分內想是緣不到，却把鸞
釵輕分了。恨茫茫水遠山遙，悶沉沉雲深霧杳。困騰
騰夢斷，竟勞。

鴈過聲

終朝院落靜，悄徒然有龍香鳳膏。鸞笙象管無心好。
萬般憂萬般焦，這悶懷端的教我難熬。空教人易老，
那堪暮雨簷前鬧。比着奴淚珠兒兀自少。

傾盃序

思着掩翠屏冷絳綃寂寞向誰行告堊幾個黃昏幾
番明月幾度青燈誰和我知道把歸期暗數寶釵劃
瀆畫闌雕巧不由人不罵做薄倖絮叨叨

玉芙蓉

金爐香篆消寶鏡塵埋了數歸期一夕又還一朝薄
衾小簟殘鐘曉暮雨梨花冤暗消相思債多應是命
折招算人心不比往來潮

小桃紅

誤約在蓬萊島冷落了巫山廟愁雲怨雨羞花貌精
神不似當初好燕來鴻去無消耗委實的教我心癢
難撓

尾聲

淒涼運莫再交但願得鴛鴦會早莫待秋霜上鬢毛

畫眉序

閨怨

王漾陂

無意整雲鬟、斗帳寒、生夜不眠、謾傷春、顚顚、粘針線、喚了鬟、休捲珠簾、羞覩那雙飛紫燕、悶懷先自心、撩亂、怎禁他、萬般消遣。

黃鸞兒

羞對曉妝奩、俊麗兒不似前、可憐玉腕寬、褪黃金釧、香消玉減、歌慵笑懶、這幾般兒、都只爲你那、虧心漢、枉埋怨、當初是我、不合和你配、青鸞。

四時花

愁殺悶人天、見樓兒上、窻兒外、皓月斜穿、更闌芙蓉
帳、裏春夢殘、鴛鴦枕兒、閑半邊、覺來時、愁萬千、粉容
憔悴、懶貼翠鈿、香肌瘦、損羅帶、寬咫尺、在目前、悄沒
個、稍書人、便奈天、遠地、遠山、遠水、遠人、遠。

皂羅袍犯

漸覺神、鬼勞倦、喚玉梅、欸欸、樓定香肩、甫能、鬼夢到、
君前、又被風吹簷、馬滴溜、溜轉、驚迴好夢、悶懷轉添、
翻來覆去、和衣強眠、千愁萬恨、教我枉埋冤、雕簷畔、
鶻噪喧、幾番虛把信、音傳危樓上、凭畫欄、幾迴錯認、
去時船。

解三醒

去時節、早梅初綻、定約到燕子來時、人便還到、如今
鶯老花殘後、怎不見去的人面、他在秦樓、戀着一個
別少年、却、不道有個人、兒眼望穿、頻作念、許多時、可
惜、辜負花前。

浣溪沙犯

楊柳眉、秋波眼、端的是爲伊、愁煩、年年三月、病懨懨、
真個惱殺人、也大要解愁、腸須是酒、酒醒後、悶懷重。

添瀟瀟風雨送春寒滿院梨花啼杜鵑

奈子花

從伊別後有誰憐將心事仗托誰傳朝雲暮雨和誰
留戀合懽帶共誰同縮作念心似酒旗懸懸

集賢賓

瑤琴鎮日續斷絃待撫操求鸞又被風吹別調間端
的是為誰拋閃緣慳分淺怎下得玉魁手段伊行短
全不肯意回心轉

琥珀貓兒墜

薄情一去端的有誰憐你做琴兒學統慢這頭方了
那頭圓迷戀知是甚日回來舊家庭院

啄木鸚

把香囊繡書寄遠為你停針三四番繡窻下豈無人
見燈兒下把針偷拈未曾提起先淚漣把淚痕兒封
去教他看這斑斑都只為情人做出相思淚兒眼

玉交枝

您下得將人輕賤反心腸似鐵石樣堅空教人數得
歸期晚寶釵劃損雕闌飛不過翠幄離恨關擔不

起重沉沉相思擔要見他千難萬難要見他除非是
夢間

憶多嬌

天黯黯月慘慘房兒中冷落衾枕單俺這裏恨更長
他嫌春宵漏短拜告蒼天拜告蒼天甚日得殘月再
圓

月上海棠

奴命寒甚時脫得淒涼限記當初執手和你送別陽
關兩三番耳畔吓啼全不把音書回轉和你同罰願
虧心的瞞不過湛湛青天

尾聲

終須有日重相見相見後依然懽懽辨炷盟香荅謝
天

曉行序

詠虎丘

杜圻山

花滿金閨看春光七里動人遊戲山容麗指點半塘
西去堪題殿閣參差寶塔嗟峨輓轡聲細記取香茗
清泉時節正逢穀雨

前腔

拂衣柳絮飛綿聽鷓鴣枝上已過暮春天氣石闌畔
花吐青蓮旖旎相期扇底清風枕上新涼把禪房間
閑得意隔斷紅塵正是人間清暑

關寶蟾

淒淒一夜西風把，山中桂子亂飄香。氣看白雲紅葉，
助成秋事相宜。黃花開滿籬，芙蓉開滿堤。夕陽時待
皎月當空，露下碧天如洗。

前腔

依稀黯淡同雲把，水花細剪滿空飛。絮向蒲團獨坐，
竹爐湯沸相宜。梅花開幾枝，村醪飲幾卮。石橋西看
簑笠漁翁獨釣寒江煙雨。

錦衣香

竹林西僧居住講臺空，蒼苔翳只看舊日干將石。閭
曾試可中明月夜，何如香魂青塚斷送吳姬望白雲。
千頃看飛帆向長亭，滄墅羣壑樓前倚松杉。疊翠忽
聽鐘聲五臺高處。

漿水令

正相同遊船如蟻，近城關往來容易。笙歌不斷四時
吹，千人石坐典至忘歸。山門下人携妓琵琶聲沸，皆
羅綺相隨。趁相隨趁風流隊裡，扶沉醉醉醉扶

歸

尾聲

人生不願封侯計。願乞天王賜與。常把金樽醉虎溪。

鶯啼序

別恨

陳大升

孤幃一點將絕燈。忽地半滅。猶明夜迢迢。斗帳寒生。是轉幽夢難成。盼雕鞍把歸期暗數。怪浪跡全然無。准把前情謾付說來的話兒無憑。

黃鶯兒

無語對銀屏。正樵樓鼓二更。梅花不管人孤另。疎鐘幾聲殘角。又鳴薄衾單枕。恁難聽瘦伶仃。岩岩病骨離恨教我怎支撐。

集賢賓

柳榆鬼病誰慣經、但舉步難行、碎鈿金釵無意整好、
梳妝一日何曾心懸意耿、自古道佳人薄命、淒涼景、
盼不到美滿前程、

滴溜子

芙蓉面芙蓉面、淚痕暗凝、楊花性、楊花性別、離太輕、
自是東君薄、倖一樹紅芳、誰管領、浪蝶狂蜂、休要鬪、
爭、

簇玉林

天涯路長短、亭怨王孫、芳草青、畫長羞把欄杆凭、幾、
番暗把鱗鴻贈、訴衷情、千言萬語、猶恐欠叮嚀、

貓兒墜

野花村酒、他那裏醉、還醒、冷落誰憐、冬暮景、奴耽寂、
寞、恁飄零、薄情、不記得花前月下海誓山盟、

尾聲

風流惹下相思病、只索把那人痴等、他沒真心、我須、
辦志誠、

梧桐樹

遣愁

鄭虛舟

香醪會解愁，酒醒愁依舊。斜月殘燈正，是愁時候。愁憑酒破除，酒被愁迤逗。酒力無多，愁去愁還，又愁深酒薄，難禁受。

東甌令

花疑恨，柳含羞。花柳傷春，人病酒鶯啼。燕語清明候，全不管人消瘦。剩雨殘雲，兩悠悠。遮斷晚粧樓。

大勝樂

桃源洞花事都休，許劉郎重到，否啼痕濕透青衫袖。

竹春錦
傷白傅惱江州。俺這裡瑤琴罷却求鸞奏。可正是紅
葉誰人寄。御溝陽臺夢杳。苦追踪問跡似無還有。

解三醒

忘不了共携纖手。忘不了西園秉燭遊。忘不了同心
帶結鴛鴦扣。忘不了羅襪雙鈎。忘不了香囊雜彩親
挑繡。忘不了百寶珍珠絡臂鞦。窮究把嬌歡美愛
盡付東流。

尾聲

好姻緣還成就。繡幃錦帳共綢繆。月底新詩再和酬。

步步嬌

懷舊

王雅宜

一夜梧桐金風剪。敗葉空廊戰離愁。有萬千夢入蘭
心芳。香不變。日斷碧雲天。把西樓東角閒凭遍。

忒忒令

記初見在春風繡筵。又驀遇在夜香深院。花枝嬾娜
似趁風兒顛。人叢裡信難傳。又誰知背畫闌。把秋波
暗轉。

尹令

自別去心留意。春再沒處尋。方覓便誰道渡頭重面。

惜春金
還似舊時迷，戀路整藍橋。肯負前生未了緣。

品令

娘行爲何再入武陵源。池亭深處恰是降飛僊。幽期密訂去留多。腴腆太湖石畔。只恐怕他人瞧見。帶綰同心共結。東林低樹邊。

豆葉黃

夜深沉漏滴銀鎖。空聯挽青鸞翅。入重樓。親受用香溫玉軟。一時繾綣。釵橫髻偏。真個是水雲中的瀉瀉。真個是水雲中的瀉瀉。看遺却花鈿零落在銀屏錦鞵。

王交枝

舞衫歌扇載卿卿。西江畫船紅衣濕。處清波濺並頭開。徹雙蓮絲絲柳條風渚牽。瀟瀟竹影溪雲淺。擁鴛衾。落月未眠。酒初醒。猶聞香喘。

月上海棠

最可憐。歡娛未了生離怨。這片帆東去。甚日重還。霎時間翠減香消。頃刻裏山長水遠。重罰願。願年年相見。勝是今年。

江兒水

江水明於練，秋雲薄似綿。奈扁舟飄忽，如飛箭。看牀頭翠被，餘香捲囊中秀髮。和愁纏。怕睹杜前歸燕。何日重來，還向舊家庭院。

川撥棹

詩題絹淚斑，斑成翠蘚。夜迢迢展轉無眠。夜迢迢展轉無眠。洞房虛孤燈慘然似枯枝。泣露蟬似風花哭。杜鵑。

嘉慶子

腸斷箜篌第五絃，有萬事傷心在眼前。總風波條起平川，總風波條起平川。誓把衷心鐵石堅，願頻頻音信傳。莫教入眼望穿。

尾聲

歸舟有日還重見，那時節錦堂懽宴。銀燭高烧綉帳懸。





